

Kommunimut pilersaarummut tapiliussap 2C1-1 Nuussuaq Center, Nuuk, inaarutaasumik akuersissutigineqarnera

Aalajangiiffigisassaq

J.nr.: 16.03.01.01-P16-8-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummi 2028-mi matumani sammineqartoq Nuussuup Uummataatut allaaserineqarpoq, tamaani inissiaqarfinnik uummarissaaqqinnissaq illoqannginnerisaqarnissarlu qitiutillugit.

Sumiiffimmi pisiniarfiit pioreersut allineqarnissaannik soqutigisaqartup kissaateqarneranut atatillugu, Kommunimut pilersaarummut tapiliussassatut siunnersuut 2C1-1 Nuussuarmi Qitiusoqarfik suliarineqarpoq. Pilersaarummut tapiliussami pisiniarfiup pioreersup B-2061-ip, meeqqeriviup B-1986-ip aammalu atuarfiup B-2315-ip allineqarsinnaanerannut sanaartorfissat atugassiissutigineqarput.

Tusarniaassuteqarnerup nalaani tusarniaassummut akissut ataaseq tiguneqarpoq, taannalu naapertorlugu sanaartorfissaq 3-mi quleriit akuerisaasut sisamaniit tallimanut allanngornerinik kinguneqarpoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa

- kommunimut pilersaarummut tapiliussaq 2C1-1 akuersissutigineqassasoq
- pilersaarummut tapiliussaq akuersissutigineqartoq Aningaasaqarnermut Inuussutissarsiornermullu Ataatsimiititami akuersissutigisassanngorlugu ingerlateqqinneqassasoq
- Aningaasaqarnermut Inuussutissarsiornermullu Ataatsimiititap suliaq inaarutaasumik akuersissutigisassanngorlugu Kommunalbestyrelsimut ingerlateqqissagaa

Suliassamik saqqummiussineq

Kommunimut pilersaarummut tapiliussaQ 2C1-1 Nuussuarmi Centeri suliarineqarpoq Nuussuarmi qatsinnerpaami pisiniarfinnik pioereersunik Pisiffiup inissisimaffianik soqutiginnittup allilerinissamik kissaateqarnera tunngavigalugu. Tassunga ilanngullugu Nuuk Internationale Friskole aamma meeqqerivik Umiaq siunissami allilerneqassappata inissaqartitsisoqassaaq.

Pilersaarummi immikkuualuttoq 1 suli qitiusoqarfittut, pisiniarfitalik, inuussutissarsiuteqarfik paaqqinniffiit inissiallu, attatiinnarnissaa aalajangerneqarpoq. Siunnersuummi immikkoortut ilai sisamat immikkoortup ilaani pioreersumi 2C1-imiittut atugassiissutigineqarput, tassungalu immikkoortup ilaanut 1-imut aalajangersakkat immikkuualuttut nassuiaatigineqassallutik. Tamaani sanaartorfissat pingasut atugassiissutigineqassapput illunut pioreersunut B-2061-imut, B-2315-mut aammalu B-1986-imut allilerinissamat periarfissiiffiusussat. Illut allilerneqassappata pioreersut

portoqatigissavaat. Nutaamik illuliat illut pioreersut portussusaannit meterinik marlunnik portunerutinneqarsinnaapput pioreersuni init quleriit amerlaqataannik amerlatigisunik.

Tusarniaassummut akissut ataaseq tiguneqartoq tunngavigalugu kommunimut pilersaarummut tapiliussami atuarfik B-2315-imi quleriit sisamaasut pioreersut saniatigut quleriimmik ataatsimik ilanissaa allangorpoq.

Kommunimut pilersaarummut tapiliussaq naapertorlugu illoqarfiup ilaanut pilersaarut 2.04 atorunnaarsippoq. Immikkoortut ilaanni sinneruttuni aalajangersakkat illoqarfiup ilaanut pilersaarummi 2.11-imi aamma 2.13-mi nassaassaapput.

Aaqqiissutissatut siunnersuut – suliaticigut naliliineq

Nuussuup Uummataata ineriartortinneqarnissaanut Kommunimut pilersaarummi Sermersooq 2028-imi qitiutinneqartoq tassaavoq, Pisiffiup eqqaata uummarissaqqinnissaa. Ingerlatsiviup nalilerpaa kommunimut pilersaarummut tapilissami Pisiffiup allilernerneqarnissaanut periarfissaq ikorfartorneqartoq.

Aningaasaticigut sulisoqarnikkullu naliliinerit

Soqanngilaq

Inatsisaticigut tunngavissaq allakkallu tunngaviusumik uppersaataitallit

Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisissaat nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaaqatigiinneq

Kommunimut pilersaarummut tapiliussaq siunnersuutitut sapaatit-akunnerini arfinilinni piffissami 09.10.2019-imiit 20.11.2019-imut tamanut tusarniaassutigineqarpoq, tasanilu tusarniaassummut akissuteqaat ataaseq tiguneqarpoq ilaatigut sanaartorfissami quleriit akuerisaasut allangortinneqarlutik, tassa sisamaniit tallimanut.

Ingerlatsivinnit allaniit oqaaseqaatigineqartut

Soqanngilaq

Siusinnerusukkat aalajangerit:

Sanarfinermut Avatangiisinullu Ataatsimiititap ulloq 23. septembari 2019-imi aalajangerera:

Inassuteqaat akuerineqarpoq

Aningaasaqarnermut Inuussutissarsiornermullu Ataatsimiititap aalajangernera 25. septembari 2019-imeersoq:

Inassuteqaat akuerineqarpoq

Kommunalbestyrelsip aalajangernera 23. oktobari 2019-imeersoq:

Inassuteqaat akuerineqarpoq

Ilanngussat

1. Tusarniaanermut akissutinik suliaqarneq
2. Tusarniaanermit akissutit
3. Kommunimut pilersaarummut tapiliussaq 2C1-1, Nuussuaq Center, Nuuk